



Inatsisartunut ilaasortaq Jane Petersen, Inuit Atagatiit

Namminersornerullutik Oqartussat nalunaarutaat nr. 15, 5. juli 2007-meersoq pillugu § 36 naapertorlugu apeqquteqaammut akissut

18. august 2009-mi apeqquteqaateqarnerit tunngavigalugu makkuninnga paasissutissiinnaavunga:

- 1. Illussanik sanaartugassanullu neqeroortitsisarneq pillugu
Namminersornerullutik Oqartussat Nalunaarutaat nr. 15, 5. juli 2007-meersumi § 12-imi ilinniartut pillugit piumasaqaatit malinneqarpat?**

Namminersorlutik Oqartussat illuliassaannut sanaartugassaannullu neqeroortitsinerni tamani Namminersornerullutik Oqartussat Nalunaarutaat nr. 15, 5. juli 2007-meersup najoqqutarinissaa pillugu malittarisassamik ilanngussisoqarsimavoq.

- 2. Naalakkersuisunit ilisimatitsissutigineqarsinnaava ilinniartut suliffimmillu misiliisut qassit Nalunaarut tunngavigalugu ilinniarfissarsinikuusimasut?**

Malittarisassap malitsigisaanik ilinniartut imaluunniit sungiusartussat qanoq amerlatigisut ilinniarfissarsisimanerinek/sungiusarfissarsisimanerinek ataatsimoortitamik nalunaarsukkanik peqanngilaq.

- 3. Neqerooruteqarnermi Nalunaarutip piumasaqatai malittinneqarnerisut, qanoq ilillutik Naalakkersuisut nakkutilliippat?**

Sanaartugassat pillugit suliassanik suliarinnittartut ataasiakkaat neqeroortitsinermi najoqqutassat assigiissaartitat atortarpaat, tassanilu nalunaarummi piumasaqaatit erseqqissarneqartarput, kiisalu nassiunneqannginnerani neqeroortitsinermut najoqqutassat misissorneqartarlutik.

- 4. Suliffeqarfiit sanaartugamik sulisussanngortitat ilinniartoqarnissaminnik piumasaqaatit naammassisarpat?**

33.09.2009

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

Suliffeqarfiit ilinniartunik atorfinitsitsinissamut pisussaaffimminnik naammassinninersut Naalakkersuisut tungaannit ingerlaavartumik nakkutilliisoqanngilaq. Namminersorlutik Oqartussani Sanaartornermut immikkoortorta qarfiup 2009-mi ukiumut anguniagaraa, nakkutilliisummik suliaqartoqassasoq, tassani sanaartugat pillugit suliani nakkutilliisuutitatur siunnersuisartut sanaartorneq pillugu ataatsimiinnerni nakkutilliinermik ingerlatsisassallutik. Sanaartorneq pillugu ataatsimiinnernit imaqarniliat Namminersorlutik Oqartussani Sanaartornermut immikkoortorta qarfirmut paasisutissiissutitut nassiunneqartarmata taamaalillutik pisariaqartitamik Naalakkersuisut nakkutilliisinnaapput. Suliffeqarfinnut nalunaarummi ilinniartunik atorfinitsitsisarnissaq pillugu piumasaqaammut malinninngitsunut inatsit malillugu pineqaatissiissoqarsinnaanngilaq.

Nakkutilliinissamik aaqqissuussamik tamatuminnga siunnersuisartutut suliffeqarfiit ataasiakkaat namminneq iliuuseqarlutik atuutsitsilereersimapput.

- 5. Naalakkersuisut nalunaarutigisinnaavaat sanaartugassat Nalunaarusiamut attuumassuteqartut sananeqarnerminni sanaassap nalingata 3-6, 6-9 aamma 9 millioner koruunit sinnerpagit immikkoortiternerini sanaartukkat qassiunersut aammalu 9 millioner koruunit sinnerlugit sanaartorneqartut qassiunersut?**

Tamatumunnga naatsorsueqqissaanermik peqanngilaq. Immikkoortitani pineqartuni, Namminersorlutik Oqartussani Sanaartornermut immikkoortorta qarfirmut aqunneqartunik AI 09-mi suliassat sorliit nalunaarsornerini makku takusassaapput:

- 3-6 mio. kr. suliniutit 5
- 6-9 mio. kr. suliniutit 3
- 9-12 mio. kr. suliniutit 0
- 12 mio. kr. sinn. suliniutit 6

Illuliugassat sanaartugassallu tamakkiisumik annertussusaat pingaaruteqartuunani suliassarititat ataasiakkaat annertussusaat pingaaruteqarpoq, taannaavormi sulisitsisuusup ilinniartunik sungiusartussanillu atorfinitsitsinissaanut aningaasaqarnikkut periarfissaqarneranik aalajangiisuusooq.

- 6. Naalakkersuisut qanoq isumaqarpat ilinniartoqartussaaitaanermik ikinnerpaaffiusussatut killigitinneqartut 1, 2 aamma 3 soorlu 2, 3 aamma 4-manngorlugit amerlineqarsinnaappata, sanaartugassat 3-6 millionit koruuninik, 6-9 millionit koruuninik aamma 9 millioner koruunit sinnerlugit naleqarpata?**

Maannakkut akit killigisaasa piviusorpalaassusaannut nalunaarummut atuuttumut tusarniaanermut atatillugu inuussutissarsiutinik ingerlataqartut qularnartoqartitsingaatsiarput. Taamatuttaaq neqerooruteqartarnermut nalunaarummi taamatut malittarisassap inissisimatinnerata naleqquttuunera pillugu inatsisilerituut nalunaarummik suliarinnittut nangaanartoqartitsisimapput. Neqerooruteqartarnermut inatsisissatut siunnersuummi takkuttussami malittarisassaq ilanngunneqanngilaq. Nalunaarummi § 12-imik taarsiisinnaasunik iliuuserisassanik sorlernik Naalakkersuisut isumaliuteqarput.

7. Naalakkersuisut isumaliuutigisimanerlugu immikkoortumik nutaamik ilasinissaq, taamaalilluni sanaartugassatut suliassaq 12 millioner koruunit sinnerlugit naleqarsimappat ilinniartoqarnissamut piumasaqaatit ilinniartunik 4-nik nassataqartussanngorlugu?

Naagga, Naalakkersuisut taama isumaliuuteqanngillat, qulaani apeqqutinut 5-imut aamma 6-imut akissutit innersuusutigineqarput.

Ikinngutinnersumik inuulluaqqusillunga

Jens B. Frederiksen